

光緒辛巳年重修

惠州府志

三

惠郡城北文昌宮藏板

惠州府志卷之四

輿地

山總紀

惠之山祖梅嶺分南北二條其自安遠入者爲南條首
與甯盡郡治其自龍南入者爲北條首和平盡博羅

一紀惠南條諸山

南條中境

首曰大望山

自大帽山來東界程鄉北界安遠層巒叢林舊有伏戎正德王

申都御史周南平之赭其山

西折稍南曰大信山又五十里曰龍歸洞

傳昔有龍歸此因名下有龍潭歲旱民禱輒應

又稍西十里曰金坑山又南三十

五里曰牛塘山

下有牛塘屯

又南五十里曰漆木嶂又南二十

里曰石馬髻山又折而西四十里入永安境曰鷄公嶂

在上

鎮社永安祖之

又西三十里曰芙蓉逕折而東十五里曰白葉嶂

在中鎮社

稍南曰簾紫嶂

在中鎮社宋文天祥駐兵於巔聞黃鵬鳴徙南嶺階石尚存

折而西南四十里曰官山

在橫坑社秀銳如筆葉應黃建讀書其上皆有官因名

又

南四十里曰羊角嶂

在上黃沙社兩岐似羊角

稍東曰燕尾山東折而

南十五里曰施坑山

在中溪社高山大林盜賊窟穴

稍東折而南十里曰

貉老坪

在南嶺社與歸善海豐界商賈往來所經道峻險乘者必下山下有市

又東二十里

曰礮頭山又東二十里曰南嶺

周百餘里四高中衍惟一路通險阻可據文丞相嘗

駐師於此相傳軍中無燭命採生竹燃之火光照人蚊蛙多士不得寐丞相祝而遂絕至今無之江南竹卽當時所燃者舊設守備捕盜公署葉春及曰南嶺信險固不義之民往往負之乃設文武將吏屯戍其地今空壘矣狡然思逞其兇何日又南十五里入歸善海豐界曰漏裏山又

南入海豐境曰逃軍坑

山有良鑛

又南入歸善境曰馬頭山

是西

江之源多木歲供郡人之用

又南二十里曰大鴨山又南十五里曰白

馬山又南十五里曰小金逕

昔盜窟曰碗窰者循此逕入

又南十五里

曰牛牯逕折而西十五里曰平政山

下爲平政驛

又西四十里

曰鐵鍋山稍北曰劉陂嶂稍南曰分水山又蛇山

下爲飯羅岡內

外管巡司在焉

東南折爲大埔山

下有捕屯

又南爲澁埔逕直趨吊

天嶺又巽寮入海爲天龍巖

民禱輒應

巽寮東南爲碧甲

有巡司署

久廢

白吊天嶺東折爲鷓鴣尖又東爲大逕又東爲平海之

山

其下爲平海所

又東爲輦背爲港尾南折斗入海爲大星山分

水西三十里爲白雲之山

其下爲白雲屯

又西十里曰秀鹿之山

又西五里稍北曰筆山又北二十五里曰平山

其下爲平山驛筆

山南十里曰陳田之山又稍西十里曰蕉坑之山又西二

十里曰濁水坑之山

是爲乾溪下涌船澳卽宋文信國移軍於此上表求入朝者也

又西

三十里曰金坑之山其北爲鼓角山

左右兩峯列峙如鼓角拱抱郡城

連

峯北走二十里突起一峯尤秀特謂之葵崗尖峯又北爲

長塘之山爲神壇嶂之山爲瑤草之山金坑南三十里薄

海爲墩頭稍西爲淡水其南曰楊梅嶂之山又南曰溪子

石之山又西曰田頭之山又西曰梅子林之山又西曰三

扶田之山又折而南入東莞界曰梧桐之山

山勢秀拔聳列三峯周匝

數十里頂有天池深不可測林木叢生多梧桐及異草是爲歸善東莞分支山也

其北折而東曰

銀瓶嘴之山

聳秀

東過長沙逕二十五里曰白雲嶂之山

高百丈許周迴七里形如屏障時有白雲繚繞其上

是爲郡城諸山之少祖又北曰野蓮山

高

十餘丈山巔平衍可田圃生野蓮其花如蓮而小有故庵遺址土人以爲大人庵

又北曰怎坑之

山又北曰太平之山又北曰和尚禿之山

其東多金竹

又北曰

筆架之山

三峯森竦

其東北有二峯曰大尖峯小尖峯

每大比年視驪

光占

又北二十里曰周逕之山

周逕在郡城南延袤數十里有腴田其外岡阜環

複崖峭壁立東口通麻庄南口出中崗北口抵橫江西口接大嶺路險峻山石折下流澗水舊常屯兵於此以援

郡城周逕北爲黃崗山

土人呼爲貫崗橫槎之水出焉其東數里有盤谷曰半徑

又北爲

馬崗山爲審峯山爲紗帽嶺山爲登雲坊爲三品石東出

爲石碓山

峭石壁立中有流泉濺沫若飛簾然又謂之水簾洞

又東爲大嶺山爲望

天螺山爲飛鷺嶺中出爲紅花嶂爲宋坑逕爲榜山

青翠高聳

橫若掛榜上有石巖峻峭登之郡中勝概可盡覽矣

又東爲吳洞山爲豐山爲芳華

洲穿湖隆起爲金龜嘴入城曰桵木之山府治建焉黃崗

迤西爲獅子峯入外水諸山巒嶠紛複此峯突起其間殊

爲壯觀峯之下有湫窺之正黑而深西爲松栢嶺盡永平
北爲梅子坑盡員頭銀瓶嘴山跨同湖入都樂小山甚眾
皆發銀瓶同湖在外水都樂之間郡城氣脉爲之渟畜矣

右爲南條中境之山

南條南境諸山之首曰龍絲嶂之山

其山自大望東折而南危崖絕巘攢簇南

奔

又東南十里曰寶龍之山

其水南流黃坑尾經溫公溪入龍溪洞下甲水入西河

又東二十里曰鐵山嶂之山

五峯奇削如筆高出羣山舊有鐵冶

又東稍折

而南十里曰石馬洞之山

有巨石絕類馬洞外嶮而中衍昔羅劉甯之寇常據此

又

南二十里曰寶山

高六十餘丈周三十里勢若樹屏峻凌霄漢唐常袞除潮州刺史道此後入相

人因謂之丞相嶺

又南十里曰鷄靈之山

高出羣山氣勢雄峭遇早禱雨輒應

又折

而西稍北曰和山

山有麻石巖巖深五六丈內有佛像

又西五里曰螺坑嶂

之山又西折而南五里曰羊子嶺之山又西五里曰走馬

嶺之山其下為興甯縣治其境內東四十里有黃牛嶺與寶

山相連東南三十八里有美女石在水口溪中二石並立狀似婦人西十里

有翔鳳山在竹山之左洋塘寨最高處有天燭山即竹山有仙人坐石相傳

昔有仙人坐釣其上枕藉之跡宛然十五里有獅子巖平原中突起二阜一南一北北伏而南仰

相去二百武北阜亂石齒齒泉發石竇中水淺石出氣蒸歌歌不可向通鄉人溝之西南流十丈鑿一池燐鹽南阜

石崖上厂下虛高十丈巖之半一竇如口泉飛洶洶其熱如北阜巖之中翻沸如釜鳴必其潄蓄內溢不得出則激

搏喧囂之聲如此西南六里有神光山形如展旂宋羅孟郊讀書山下夜有五色光氣故名

其下有隱峯為貴人山十里有梅山十五里有黃土嶺高五十丈與長樂分疆東

西之通南二里有羅嶺羅孟郊家在此十里有蝴蝶山兩峯聳峙如蝶學宮

向北八十里有龍母嶂有寺毀于兵石浮屠猶存又北有楊梅礫有角山有高坑皆冶鐵又

北有蕉爲吉
自牛塘屯迤邐南行五十里至黃土嶺西折

二十五里曰紫金之山其下爲長樂縣治其境內東一里

爲東山

環邑與民居接

東南一里有天堂山

山下有寺

西南二里有瀛

山又三十里有貴人山

高百餘丈上有井水常盈溢下注

六十里有天雲

嶺

枕江跨谷常有雲烟出沒其上

有排嶺

層巒疊嶂環列如堵其中沃野彌望九十里

有筆架

山

常有雲霧籠罩可眺

南二里有塔岡山

相傳仙人建塔於此遺址尙存

九十里爲

嵩螺山

峯巒聯屬起歸善海豐終於潮州爲此邦之巨鎮

南三百里有大寨逕山

自漏裏東走揭陽飛泉西折霖田大廟而南曰桵木嶂之

山

產桵木

微折而起爲蓮花峯

列峯如蓮擬於九華

又南曰銀瓶之山

峭

峙千仞四時產五色奇花二瀑布若懸練峯頂絕銳狀若建瓴縣治倚之

又南二里許曰五

坡嶺之山

此宋文信國被執之所也

五坡南去二里爲海豐縣治

銀瓶東南

爲白水磔西北爲驢子耳各有徭民居之

東走五十里逾掘龍逕而南曰激石

之山又東曰羅峯之山

在石塘都其下有屯山產衍木赤竹藍靛械樸

又東曰新

田之山

崇山大崗極險舊爲馬祖昌巢大征後城其地設叅將捕盜公署則同知周宗武叅將侯繼高經營

之其北有山曰赤竹嶂烏頓嶂鷄啼嶺之山

在上護產產枋木藍靛芋薑

又北三十里爲許山嶂

舊有藍一清巢大征後設兵守之所謂河田營也今廢

其南

五十里曰法畱之山

上有巖如屋唐僧大顓嘗居之今有放生臺遺址

又南一百

里曰大金籠之山

山形如龍鎮長沙海口其東爲捷勝所其西爲麗江浦文信國嘗屯兵於此

逃軍坑迤東七十里曰崙嶺之山又東一百里曰馬山

其

近八萬葫蘆盜之窟穴

又東折而南五十里曰西山

其東爲甲子門所卽宋端宗行

殿所止也

又南二十里曰石帆之山

在海港中以形似名

石帆西二十里

曰白石之山又西爲碣石衛銀瓶西走五十里折而南曰

大山又南十里經大安崗而東曰小溪之山又南逾驢子

耳逕三十里曰大蹊嶺之山

景泰前驛路經此贅以石有石刻云鹽運司支錢砌有石

亭今廢柱礎猶存

西折十里曰平安之山其下爲平安驛又西十

五里爲楊桃嶺

達府之路也正德辛未知縣楊繼榮鑿路登石十里屈曲如之及萬厯辛卯守道蔡

國炳議亭其上未就甲午知府林國相知縣胡天霞共成之行者休焉

逾五里沙過深漏十

里曰鶯啼嶺之山又北折三十里過黃涌卽歸善之平政

矣縣之境內東二里有龍山

山勢蜿蜒如龍盤踞於龍津水口頂有石刻宋嘉定乙卯

九月九日廬少英黃澄清率同官五人泛菊於此背刻龍山二大字

二十里有東保嶂山二

百二十里爲旗峯山

狀如旗半枕海上東南夷入貢望此爲表識

東南十里有

小金龍山

山腰石眼泉湧甘潔土人呼爲聖泉按大小金龍舊志宋端宗駐蹕時易爲龍

西十里

有西保障山南五十里有雙桂山縣學宮面之

右爲南條南境之山

南條北境諸山之首曰了髻之山

其山自芙蓉逕西走至黃花社形若雙環故名

又西十五里曰佛子凹之山又西十五里曰紫金山

入永

安縣城之東城跨之上有雄鎮樓儒學在其麓

又西曰安民鎮之山

在城西小山突起未縣民

壘之疏稱秋鄉安民鎮卽此

又西十里曰張八嶺之山

在林田社水西南馳逆上鐳于

水口縣之內關

又西四十里曰栢樹嶂之山

在埔尾社峯巒秀麗多栢樹

又西

四十五里曰觀音之山

在平湖社樹木葱蒨清曠幽致舊有觀音庵今廢

又西四

十五里曰梧桐尖之山

在上江東社山高而銳梧桐生焉在秋鄉江西境

張八嶺

西南十五里曰鷄冠嶂之山

在林田社樓臺鼓角形家謂之捍門

又南十里

曰上瀨之山

在黃沙社巖深窈五里流泉瀨平田百畝耕者十餘家

又西十五里曰

天字嶂之山

在清溪員墩上下黃沙之間峯巒高聳羣山若執笏而朝之僻遠強賊所匿今耕藝其上

茶敵 又西三十里曰寶山嶂之山在員墩社舊有鐵冶在秋香江之西清溪之東

又西南十五里曰大林峯之山在臘石社攢峯疊巘林木蔚蒼猺人耕藝其上有巖

敞如厦屋容五六百人門逼仄一人持戟而守百人攻之不入十餘年避賊於此卒無患者產白堊邑人皆賴之

其北曰龍頭之山在栢埔社蜿蜒雄峻昂而起若龍頭然 其西曰大魯之山

亦在栢埔社高大峭拔人耕其上舊亦盜賊往來之區 又西北二十里曰奇山在平湖社

奇山西南二十五里曰梁崗之山在上江東社 其南二十五里

曰鶴子塢之山在安全社亦名金釵腦銀鑛生焉在神江之南義容江之北清溪之西 大林

峯東折而南三十里曰企壁嶂之山在安全下石二社之間青壁斗絕山嵒居

之鄉氓鮮有至者 又西十里曰龍王嶂之山在安全社高百餘丈上有龍湫禱雨輒應

又西十里曰鷄啼石之山在苦竹派社有石如鷄產萬年松及不龜足之藥 又西

折而南曰粵王之山在苦竹派社雄視諸山延亘高聳下有巖昔女冠居之名道姑巖禱雨輒

應又北曰梅花嶺之山

五嶺攢聚若梅花然有巖高十等路狹累足乃入人則宏邃高曠遠

望無際巖下峭削石坪五丈古株怪石殊為奇觀嶺其北上復有仙女洗頭盤在義容江之南秋鄉江之西北

二十三里曰三殿之山

在黃花社五峯插天有龍鬚草又西曰描眉之山

形如簾幙障縣之後

其東自鷄公嶂東南曰東山

在上鎮社

又南曰山谷

嶂之山

在中鎮社其巔有石高一丈二尺大八尺厚三尺端正如笏盤石載之名笏石又有佛子巖入公巖

下有福田寺石笏書院其後為琴嶺若橫琴然江之得名以此

其境內有七孃石

在火帶社田子

逕昔有獵犬墜其中以為不復出矣

有狀元峯

在北城外林天賜城

縣美名之鐫于石

自燕尾山西折十里曰烏禽嶂之山

在上

黃沙社高峻盤踞周一百里水北流下上下下際南流下陽烏潭盜賊淵藪李如桂隨顧養謙討賊至其上嘆曰嗟乎

斯其為兎窟哉天所設也

又西逾黃婁嶺泣石逕鳳凰逕凡一百二十

里曰鷄籠之山

在梁化社高可二百丈周迴一百五十里神溪水出其南梁化水出其西南上下義

其北自泣石逕北走十里爲黃草嶂又北四十里入上石

社爲鳳凰岡

直永安西南七十五里橫絕水永安外關有巡檢司在其下

自黃嬭嶺西

北走逾黃竹坑入永安之上義社爲犂壁水山

巉巖峭削象如嬰耜

上有山羊

又北爲李高山爲南山爲瑤瓊嶂爲豸山又十里爲

猴頭嶂

卽李如桂征餘賊進兵處

鷄籠山之西二十五里稍折而北爲

上嵐山又西稍北爲下嵐山其南曰岡尾之山又西南曰

孫崗之山又西曰黃凹之山又西曰書齋之山

是爲中火舖

又

西稍北曰柘田逕之山又西曰雍洞之山又西曰鹿游岡

之山又西曰九龍岡之山又西曰白鶴峯之山上有東坡

故居其下爲歸善縣治其自鳳凰逕連山而南三十里爲

陳溪山又南爲塘角爲浮牌嶺爲小埔爲彭坑其東南爲

石溪爲松坑舊皆盜窟又南瀕江爲麥田馬屎壩又東爲
大到小到自鳳凰逕連山而西三十里爲大小禾崗爲馬
鞍山縣境內東一百二十里爲九龍山山脈來自劉陂嶂譚公道者修道於
此上有龍潭以鐵投之致雨舊有庵廢今修復東北三十里有古仙嶺上有鳥石社跡

右爲南條北境之山

一紀惠北條諸山

北條中境諸山之首曰礮頭之山

其山自大庾嶺東走入龍南大山西折而來下

有橫

西二十里曰九連之山

其山高峻林木蒙密巔有田塘東連龍川河源南連博羅

增城龍門從化西連翁源英德北連龍南昔時盜起官兵候農隙剿之盜恃險迎敵東追西竄逾月連旬不能盡絕其後諜知山惟冬月無蟲蛇螫毒盜持乾糲利久藏至春夏更蛇俱作不能一朝居嘉靖六年大征以春夏出師渠

魁餘黨悉誅然上杭武平豪民利藍靛種藝者亡慮二千餘人聚眾則行強失收則為亂嘉靖末年遂成長吉大盜

今尚來者不止則又西五十里當和平長甯之界曰雪崗保甲羈縻之而已

之山有大雪山小雪山上又西折而南五十里曰小長坪有積雪經冬不消

之山有分水嶺小長江之水出焉東流河源西流英德又南走七十里當河源從

化界曰清水坑之山又南稍折而東當長甯龍門界曰板

嶺之山下有仙塔其基尚存東折稍南曰區花之山又南曰謝崗之

山又南五十里稍東當河源增城界曰白鳩逕之山又南

折而東三十里曰帽子峯之山又南折而西入博羅境曰

流崗之山又南三十里稍折而西曰馬戰之山是為洪溪崗撫民葉

譚總巢今又西走而南十里當博羅增城界曰鳳凰之山

良民矣又西走而南五十里曰羅浮之山羅浮山者南粵餘丈高二百